

## **М. А. БУХТУЕВТИ ШАҢНАЛГА КИИРГЕН БИЖИИНДЕН**

*1944 чылдың июль 7.*

1. Хууда дайынчы алдар-хавыязының азы маадырлыг чоруунуң допчу, тодаргай бижилгези.

Т — 34 деп танкының механик-чолоачызы гвардия сержантызы Бухтуев социалистиг Төрээн чурту дээш демиселге эрес-дидим болгаш маадырлыг чорукту көргүскен. 1944 чылдың июнь 25-те Черные Броды деп станция дээш демиселге Бухтуев бодунуң танкызының илчирбези-биле ийи дайынчы үгер-бооларны болгаш 1 взвод чедир чадаг шеригни чылча бастырып чок кылган. Черные Броды станцияже чаза таварып кире бергенде Бухтуевтиң танкызынга ок дээпкен болгаш өртени берген. Эрес-дидим гвардейжи өртенип турган танкызы-биле дайынчы даалгазын күүсетпишаан турган.

Станцияга бистин танкыларывысче жаржы-дошкуну-биле боолап турган фашистерниң бронепоездизи турган.

Гвардейжи танкист Бухтуев ол бронепоездени узуткап чок кылыр деп шийтпирлеп алган. Төрээн чуртунун алдар-ады дээш бодунуң өртенип турган танкызы-биле дайзынның бронепоездизин үстүрген болгаш аңаа эш Бухтуев амы-тынын харам чокка берген. Ол маадырлыг чоруктуң түңнелинде үгер-боо болгаш пулемёт башнялары турган үш бронеплощадкалар сандан үнген. Дайзын дүвү-далаш-биле станцияны каггаш, дезипкен. Гвардия сержантызы Бухтуевтин маадырлыг чоруу болза, бригадага шапкыны-биле бурунгаарлап, Бобруйск хоорайга мырынай чоокшулап келир арганы берген.

Гвардия сержантызы Бухтуев маадырлыгы-биле өлгөн.

Немец эжелекчилерге удур тулчуушкуннарга көргүскен эрес-дидим болгаш маадырлыг чоруу дээш эш Бухтуев Чазактың шанналы — Совет Эвилелиниң Маадыры деп атты тыпсырынга төлептиг деп санадывыс.

**Кызыл Армияның механизастаттырган болгаш куяктыг ганк шериглеринкң офицер болгаш сержант составынга Совет Эвилелиниң Маадыры деп атты тыпсыр дугайында**

### **ССРЭ-ниң Дээди Совединиң Президиумунун ЧАРЛЫЫНДАН**

Немец эжелекчилерге удур демиселдин фронтунунга командылал чериниң дайынчы даалгаларын үлегерлиг күүсеткени дээш база эрес-дидим болгаш маадырлыг чорукту кылганы дээш Ленин орденин болгаш «Алдын Сылдыс» медальды тывыспышаан, Совет Эвилелиниң Маадыры деп атты:

Гвардия сержантызы Михаил Артемьевич Бухтуевке тыпсыр.

ССРЭ-ниң Дээди Совединиң Президиумунун Даргазы  
**М. КАЛИНИН.**

ССРЭ-ниң Дээди Совединиң Президиумунун Секретары  
**А. ГОРКИН.**

Москва, Кремль, 1944 чылдың август 22.

1944 чылдың август 23-те үнген «Правда», № 202.